

UDHËZIM
Nr. 4, datë 11.3.2014

PËR PLANIFIKIMIN E FONDEVE PËR NDIHMËN
EKONOMIKE

Mbështetur në pikën 4 të nenit 102 të Kushtetutës së Republikës së Shqipërisë, në zbatim të nenit 35 të ligjit nr. 9355, datë 10.3.2005 “Për ndihmën dhe shërbimet shoqërore”, të ndryshuar, të ligjit nr. 9936, datë 26.6.2008 “Për menaxhimin e sistemit buxhetor në Republikën Shqipërisë”, si dhe në zbatim të ligjit nr. 185/2013, datë 30.12.2013 “Për buxhetin e vitit 2014”, udhëzimit të Ministrisë së Financave nr. 2, datë 6.2.2012 “Për procedurat standarde të zbatimit të buxhetit”, si edhe udhëzimit plotësues të Ministrisë së Financave nr. 3, datë 17.1.2014 “Për zbatimin e buxhetit të vitit 2014”,

UDHËZOJ:

1. Administratori shoqëror në bashki/komunë, në përputhje me kriteret dhe treguesit, programon kërkesat për fonde për ndihmën ekonomike dhe i dërgon në drejtoritë rajonale të Shërbimit Social Shtetëror.

2. Programimi i fondeve për ndihmën ekonomike:

Programimi i fondeve mbështetet në numrin e popullsisë gjithsej, numrin e familjeve, vlerësimin e varfërisë dhe numrin e familjeve në NE, strukturën e anëtarëve të familjes (anëtarët në moshë pune, mbi moshë pune dhe nën moshë pune); personat që kanë statusin e jetimit; numrin e familjeve, që kanë fëmijë të lindur njëherësh, si: trinjakë, katërnjakë apo pesënjakë, viktimat të trafikimit, viktimat të dhunës në marrëdhëniet familjare, fëmijë në familje kujdestare etj.

Në bazë të dokumentacionit, vlerësohen edhe të ardhurat që llogariten sipas koeficientëve nga pasuria, toka, blegtoaria, duke përfshirë qarqet Tiranë, Elbasan dhe Durrës.

3. Fondet e nevojshme për ndihmën ekonomike për bashkinë/komunën përllogariten në bazë të treguesve të mësipërm sipas mod. 1 bashkëlidhur këtij udhëzimi.

4. Njësitë vendore, kërkesat për fondet i programojnë sipas mod. 1, dhe i dorëzojnë në drejtoritë rajonale të Shërbimit Social Shtetëror, në fund të muajit qershor të vitit në vazhdim.

5. Drejtoritë rajonale të Shërbimit Social Shtetëror vlerësojnë kërkesat në përputhje me kriteret në fuqi dhe hartojnë nevojat për fondet e bllokndihmës ekonomike në nivel qarku dhe së bashku me mod. 1 për secilën bashki/komunë, brenda datës 10 korrik i dërgojnë në Drejtorinë e Përgjithshme të Shërbimit Social Shtetëror.

6. Drejtoria e Përgjithshme e Shërbimit Social Shtetëror vlerëson kërkesat e ardhura nga rajonet dhe programon fondet për projektbuxhetin e vitit pasardhës në nivel kombëtar, të cilët i përcjell në Ministrinë e Mirëqenies Sociale dhe Rinisë.

7. Në fund të muajit nëntor të vitit në vazhdim bashkitë/komunat, përditësojnë kërkesat për fonde sipas mod. 1 dhe i paraqesin në drejtoritë rajonale të Shërbimit Social Shtetëror.

8. Drejtoritë rajonale këto kërkesa i përcjellin brenda datës 10 dhjetor në Drejtorinë e Përgjithshme të Shërbimit Social Shtetëror.

9. Shërbimi Social Shtetëror bën detajimin e fondeve

të programuara për bllokndihmën sipas ligjit të buxhetit të vitit pasardhës për çdo bashki/komunë dhe i përcjell në Ministrinë e Mirëqenies Sociale dhe Rinisë.

10. Ministria e Mirëqenies Sociale dhe Rinisë bën transferimin e fondeve si grande të kushtëzuara për dymujorin e parë, sipas pikës 8 të këtij udhëzimi, dhe për vazhdimësinë transferta do të bëhet për çdo dymujor.

11. Drejtoria e Përgjithshme e Shërbimit Social Shtetëror dërgon brenda datës 10 të muajit shkurt, prill, qershor, gusht dhe tetor, në Drejtorinë e Financave të MMRS-së, sektori i buxhetit, treguesit statistikorë mbi numrin e përfituesve të personave me PAK për të gjitha kategoritë dhe fondin faktik të shpenzuar të çdo dymujori, për çdo bashki/komunë, fond ky, i cili do të shërbejë për çeljen në dymujorët pasardhës dhe konkretisht treguesit statistikorë dhe fondin i shpenzuar, të muajve nëntor-dhjetor, do të shërbejë për çeljen e fondeve për periudhën mars-prill, e kështu në vazhdimësi për dymujorët e tjerë.

12. Udhëzimi nr. 2471, datë 6.12.2012 i ministrit të Punës, Çështjeve Sociale dhe Shansëve të Barabarta “Për disa shtesa në udhëzimin nr. 338/3, datë 10.3.2006 “Për përcaktimin e kriterëve, të procedurave dhe të masës së ndihmës ekonomike”, i ndryshuar”, shfuqizohet.

Ky udhëzim hyn në fuqi me botimin në Fletoren Zyrtare.

MINISTRI I MIRËQENIES SOCIALE DHE RINISË
Erjon Veliaj

QARKU _____

Moduli 1

BASHKIA, KOMUNA _____

Programimi i fondeve, për shpërndarjen e ndihmës ekonomike

Datë, më _____

Nr.	Emërtimi	Struktura në numër	Masa e pagesës	Fondi mujor lekë
1	Popullsia gjithsej			
2	Familje gjithsej			
3	% e familjeve në skemë			
-	Familje në skemë, e ndarë kjo			
4	Kryefamiljarë			
5	Anëtarë mbi moshë pune			
6	Anëtarë nën moshë pune			
7	Anëtarë në moshë pune			
8	Jetim 18-25 vjeç			
9	Jetim mbi 25 vjeç			
10	3-njakë e familjeve			
11	4-njakë e familjeve			
12	5-njakë e familjeve			
13	Viktima të dhunës			
14	Viktima të trafikimit			
15	Kompensim energjie për familjet në skemë			
16	Kompensim energjie për personat me PAK			
17	Shpenzime për fëmijë deri në moshën 16 vjeç që ndjekin arsimin e detyrueshëm 9-vjeçar (janar-qershor, shtator-dhjetor)			
18	Shpenz. mbi numrin e të vaksinuarve sipas një kalendari për çdo fëmijë në familjet përfituese në nëntor			
19	Fëmijë normal në familje kujdestare			
20	Fëmijë me AK në familje kujdestare			
a.	Shpenz. indirekt + shkollë për fëmijë normal në familje kujdestare në shtator			
b.	Shpenz. indirekt + shkollë për fëmijë AK në familje kujdestare në shtator			
A	Fondi sipas strukturës dhe individëve për 1 muaj (4 deri 20)			
B	Të ardhurat gjithsej, mujore			
-	Të ardhurat nga toka			
-	Të ardhurat nga blegtoia			
-	Të ardhurat nga pensionet			
-	Të ardhurat të tjera			
C	Fondi vjetor ((A-B) X 12 muaj)			
Ç	Fondi për (a+b) x 1 muaj			
D	Fondi gjithsej (c+ç)			

ADMINISTRATORI

Vula

KRYETARI